

ПСИХОЛОГИЯДА СПОРТЧИ ШАХСИ ХАРАКТЕРИНИНГ ЎЗИГА ХОС ХУСУСИЯТЛАРИ

Абдурасулов Рустам Абдураимович -Жиззах
давлат педагогика университети Умумий
психология кафедраси профессори
Холматова Дилором Вахоб қизи- Жиззах
давлат педагогика университети
Педагогика-психология йўналиши 1-босқич
магистри

Аннотация: Мазкур мақолада спортчи шахси характерининг ўзига хос хусусиятлари борасидаги назарий қарашларнинг илмий таҳлили баён қилинган.

Калит сўзлар: Психология, спорт, спортчи шахси, характер.

Аннотация: В данной статье представлен научный анализ теоретических взглядов на специфику личности спортсмена.

Ключевое слово: Психология, спорт, личность спортсмена, характер.

Annotation: This article presents a scientific analysis of theoretical views on the specifics of the athlete's personality.

Keyword: Psychology, sports, athlete's personality, character.

Авваламбор, спортчиларнинг шахси тўғрисида сўз юритишдан олдин уларнинг фаолияти ҳақида тўхталиб ўтишни лозим топдик.

Фаолият-бу онг билан бошқарилиб туриладиган инсоннинг ички ва ташқи фаоллиги бўлиб, у эҳтиёж натижасида юзага келади (Л.Б.Ительсон). Фаолият асосида интеллектуал ва ҳаракатлантирувчи таъсир тизими ётади (асосан иккаласи бир вақтда). Фаолиятнинг муваффақиятли бажарилиши кўникмаларнинг йиғиндиси (яъни ҳаракат, фикрлаш, сенсор ва хулқ-атвор кўникмалари) билан аниқланади. Инсон фаолияти онгли равишда қўйилган мақсадга эришишга йўналтирилган бўлиб, у нафақат эҳтиёжни қондириш билан боғлиқ, балки жамият томонидан унга қўйиладиган талаблар билан ҳам боғлиқдир.

Агар инсон фаолияти ҳақида мавҳум гап айтадиган бўлсак, уни қуйидаги ташкил қиладиган жараёнлар билан характерлаш мумкин: ҳаракат (эришиш лозим бўлган натижа ҳақидаги тушунчага бўйсунган жараён), операциялар (ҳаракатни амалга оширувчи усуллар), психофизиологик функциялар ва шу функцияларнинг бўлимлари. Агарда аниқ бир индивид фаолияти ҳақида гапирадиган бўлсак, уни авваламбор жамиятга бўлган муносабатининг умумийлиги билан таърифлаш мумкин, яъни фаолиятда қўлланиладиган муносабатнинг табиатига кўра умумийлиги билан характерланади. Худди шундай жамият муносабати бирлигини фаолиятида

қўллайдиган онгли индивид шахс ҳисобланади. У жамиятда маълум ўринга эга бўлади ва аниқ жамоатчилик вазифасини бажаради.

Энди эса шахс тузилмаси ҳақида фикр юритиш мумкин. Айтиш жоизки, бу масалада олимларнинг фикрлари турлича бўлиб, улар шахс тузилишига турли компонентларни киритадилар. В.С.Мерлин индивидуалликнинг учта иерархик даражасини ажратиб кўрсатади: нейродинамик, психодинамик ва шахсий. А.Г. Ковалев эса шахс тузилишини унинг йўналганлик, қобили-яти, характер ва бошқариш тизимига (ўз-ўзини бошқариш) ажратади.

А.Г.Ковалёвнинг бу борадаги фикрига асосан спортчи шахси тузилиши компонентлари орасидан йўналганлик, темперамент ва характер, қобилиятлар ва ўз-ўзини бошқаришларни ажратиб кўрсатиш лозим.

Биринчи компонент-шахснинг йўналганлиги ёки инсоннинг реал воқеликка муносабати бўлиб, спортда шахснинг йўналганлиги кўпинча юқори ютуққа эришиш мотивацияси билан белгиланади. Спортчи ҳаддан ортиқ жисмоний кучга зўр бериш, кучли психик кескинлик ҳолати кечинмаси рақибини енгишга бўлган эҳтиёжни вужудга келтиради, энг асосийси, юқори спорт натижасини кўрсатиш эҳтиёжини қондиришга ҳаракат қилади. Шу сабабли ҳам спортчиларда ўз устида ишлаш, ўз маҳоратини оширишга бўлган эҳтиёж кучли бўлади. Бу эса спортда фалсафий нуқтаи назардан қараганда субъект ва объектнинг бирлигини ҳосил қилади.

Спорт психологларининг турли спорт турлари вакиллари мотивация хусусиятларини ўрганиш натижалари шуни кўрсатадики, чидамлилики талаб қиладиган даврий характерга эга спорт турлари вакилларида мотив кучи юқори даражага эга экан. Яккакураш ва шу каби ўйин турларида спортчида ютуққа эришиш мотивацияси жуда кучли намоён бўлмайди, унинг маҳорати ошиши натижасида фаолият шароитларига мослаша боради. Шу билан бирга, у жуда мураккаб ва шахснинг турли хислатлари билан боғлиқдир.

Спортнинг бокс ва қиличбозлик каби турлари вакилларининг ютуққа эришишлари ва бошқа хислатларини махсус текшириш натижалари асосида айтиш мумкинки, бу спорт турларида спортчининг муваффақиятга эришиш мотиви устунлик қилиши уларнинг таваккалчилик, кўрқувни ҳис қилмаслик каби шахсий омиллари билан боғлиқ экан. Муваффақиятга эришиш эҳтиёжи кучли бўлган боксчилар ва қиличбозлар рақобатга майли бор, хавфли вазиятларда жасурлиги билан ажралиб турадилар, қийинчиликларни енгишда фаол бўладилар. Улар кундалик ҳаётда ҳам, ўқиш ва ишда ҳам обрўларини сақлашга ва фикрларини ҳимоя қилишга ҳаракат қиладилар. Буларнинг барчаси бокс ва қиличбозлик учун хос бўлган муваффақият мотивацияси механизмлари натижаси ҳисобланади.

Яккакураш тури вакилларининг натижага эришиш мотивацияси аҳамиятли тарзда муваффақиятни ҳам белгилиб беради. В.Гошек ва Е.А. Калининларнинг кузатишлари натижасида боксчи ва қиличбозлар муваффақиятга эришиш эҳтиёжи устунлигида фаолиятнинг ҳужумкор

усулларини афзал кўришлари маълум бўлади ва уларда муваффақиятсизликдан қочиш эҳтиёжи устун бўлган спортчиларга нисбатан хужумкор ҳаракатлар сони анча юқори бўлади, чунки муваффақиятсизликдан қочиш эҳтиёжи кучли бўлган спортчи-лар кўпроқ ҳимоя усулини танлайдилар ва кўпинча қарши хужум усулида ҳаракат қиладилар. Бундай ҳолат нафақат бокс ва қиличбозлик тури билан шуғулланаётган спортчилар учун характерлидир, балки буни бошқа спорт турлари билан шуғулланаётган спортчиларда ҳам кузатишимиз мумкин.

Бир қатор тадқиқотларда спортчининг муваффақиятга эришиш мотивацияси ва унинг “хавотирлик” хислати ўртасидаги боғлиқликлар аниқланган. Хавотирлик деганда шахснинг хатарли вазиятларда кўрқув ёки хавотирлик каби ҳиссий ҳолатлар билан жавоб қайтаришга мойиллигининг устунлигини тушуниш мумкин. Хавотирланишни икки турга ажратишимиз мумкин: ижтимоий хавотирланиш (шахс хислати) ва психодинамик хавотирланиш (темпераментлилиқ хислати). Фаолиятни самарали яқунлашга интилиш тезлиги (мотив кучи) хавотирланиш ҳолатини белгилайди. Маълум вазиятларда спортчи онгига ўрнашиб олган бу ҳолат хавотирлилиқнинг ривожланишига ёрдам беради. Мотив кучи қанча юқори бўлса, спортчида хавотирланиш шунча кучли бўлади. Шу билан биргаликда хавотирлилиқ кам ифодаланган спортчиларда муваффақиятга эришиш мотивацияси устунлик қилса, муваффақиятсизликка учрашдан кўрқиб мотиви устун бўлган спортчиларда хавотирлилиқ кўпроқ ифодаланган бўлади [10].

Шахс тузилишининг иккинчи компоненти-характер хислатлари бўлиб, бу компонентга спортчилардаги қуйидаги хислатлар мос келади: ҳиссий барқарорлик, етакчилиқка интилиш, хатарга мойиллик, режалилик, ихтирочилиқ, ўзини-ўзи назорат қилиш, мулоқотлилиқ ва ҳоказо. Шахснинг динамик йўналишларида, унинг темпераментлилигини акс эттирувчи индивидуал хусусиятлари аҳамиятли рол ўйнайди. Спортчининг темпераментлилиқ хислатларини ўрганиш бир қанча натижаларни вужудга келтиради.

Интроверсия-экстраверсия хусусиятлари шахснинг ўз кечинмаларини “ўз ички оламига ютиш” ёки уларни ташқарига чиқариш каби хусусиятларга мойиллиги ҳисобланади. Бир қатор олимларнинг (В.С.Мерлин, В.Г.Норакидзе ва бошқалар) тадқиқот натижалари таҳлили шахснинг бир қанча интроверсия-экстраверсия хусусиятларини аниқлаб берди, бу хусусиятлар қуйидагилардан иборат:

-интровертлар экстравертларга нисбатан ўзларини қуршаб олган жамият ҳодисаларини субъектив равишда қабул қиладилар;

-интровертларда жамиятга мослашиш кўпроқ ақлий фаолиятнинг фаоллигида кўринса, экстравертларда эса ўзини тутиш фаолиятининг фаоллигидан иборат бўлади;

-интровертларда экстравертларга қараганда ўзини назорат қилиш даражаси ва ўз ҳолатини бошқариш қобилияти аҳамиятли даражада юқори бўлади.

Шахснинг бундай хислатлари спорт курашининг турли вазиятларда характер фаолиятини белгилайди. Ю.Ю.Палайманинг спорт ўйинлари тури вакиллари билан ўтказган тадқиқот натижалари шуни кўрсатадики, экстравертлар ўйиннинг қийин вазиятида ва ғалаба қилиш ҳолатларида юқори иродавий фаолликни намоён қилсалар, интровертлар эса мағлубият вазиятида юқори иродавий фаолликни кўрсатадилар.

Спортчиларнинг фаолиятини сенсомотор таъсир шароитида ўрганган Г.Биро қизиқ натижаларга эришади. Ўз хатолари ҳақида маълумот олган экстравертлар фаолиятларининг самарадорлиги бирдан пасайиб кетган. Г.Биро бу ҳолатни уларнинг субъектив ишончларини паст даражаси билан изоҳлайди.

Ҳиссий таъсирчанлик. Спортчида спорт мусобақаси жараёнида унинг талабларига индивидуал мослашиш имкониятлари шаклланади. Бунда диалектик алоқа юзага чиқади ва фақат қобилият ва хулқ-атвори юқори даражадаги хилма-хиллик натижасида ўзгарувчан шароитга мослаша оладиган спортчи мусобақанинг стресс ҳолати таъсирига чидамли бўлади. Бу эса спортчида ҳиссий таъсирчанлик билан бир қаторда кучсиз таъсирга ҳам етарли даражадаги тезликда ҳиссий сезгирликни вужудга келишини талаб қилади.

Хавотирлилик. Кучли босими билан ажралиб турувчи даврий характерга эга бўлган спорт турларида юқори малакали спортчиларда паст малакали спортчиларга нисбатан хавотирлик даражаси паст бўлиши аниқланган. Спорт ўйинлари ва яккакураш турларида кўпроқ малакали спортчилар ўзларидаги тахмин қилиш қобилиятларини яхши ривожланганлиги боис тез-тез хавотирга тушадилар, чунки уларни мусобақада нималар кутаётганлигини аниқ тахмин қиладилар. Юқори хавотирлилик субъектив жиҳатдан ёқимсиз бўлса-да, муваффақиятли фаолиятга ҳар доим ҳам халақит беравермайди.

Асабийлик. Бу ҳиссиёт шахснинг хатти-ҳаракатидаги ҳиссий беқарорлик, ҳиссий жиҳатдан ташқи таъсирга жавоб бериш қобилияти, кўпроқ “хавотирни кутиш” ва қаршилиқ кўрсатиш реакцияси сифатида аниқланади. Қаршилиқ кўрсатиш реакцияси спортчини мураббий ёки шерикларининг бирорта ҳам фикр-мулоҳазаларини қабул қилишни истамаслик ва ҳисоблашмасликда намоён бўлади. Кўпгина тадқиқотчилар юқори асабийлик даражасидаги спортчилар мусобақаларда ўзларини тута олмайдилар ва уларнинг натижа-лари барқарор бўлмайди, деб ҳисоблайдилар.

Шуниси равшанки, спорт фаолиятининг муваффақияти спортчилардаги қандайдир бир хислат билан эмас, балки кўпгина хислатлар билан белгиланади. Бу эса Ю.Ю. Палаймага қуйидаги хулосани чиқаришга имкон беради. Унинг фикрича, юқори экстраверсия ва асабийликка мойиллиги бўлган баскетболчилар жамоаси қарама-қарши психик хусусиятларга эга бўлган жамоага қараганда кўпроқ шиддатли ўйин кўрсатишлари лозим, бироқ улар ҳам стресс ҳолатида бундай ўйинларни кўрсата олмайдилар.

Фаолиятни психик жиҳатдан бошқариб турадиган яна бир хусусиятлардан бири, бу хулқ-атворнинг қайишқоқлиги (пластиклиги) ҳисобланади.

Спорт учрашувларининг низоли вазиятларида унинг қатнашчилари одатдаги ҳаракатларидан воз кечишлари лозимлигини, бу ҳолат муваффақият келтирмаслигини билишлари зарур. А.Ц.Пунининг фикрларига қараганда, турли хилдаги тактик кўникмалардан уддабуронлик билан фойдалана олиш спортчи фаолиятининг энг муҳим томонларидан бири сифатида қаралиши лозим. Жуда зарур бўлганда ҳаракат характери ни ўзгартира олмаслик инсоннинг қийин ҳолатдан чиқа олиш қобилияти йўқлигидан далолат беради.

Фаолиятни ҳар хил турларида шахснинг турли хислатларини шаклланиши учун шароитлар яратилади. Шу билан биргаликда яна саралаб олиш омилларини (табиий ва махсус ташкил этилган) ҳам ҳисобга олиш зарур.

Спорт ўйинлари ва яккакураш турларида спорт фаолияти тезкор вазифаларни ҳал қилишни ифодалайди ва натижада ўйин табиий шароитда ўтади. Бундай вазиятларда спортчи шахсининг маълум хусусиятларидан фойдаланиши лозим бўладики, унда спортчи рақиби билан жангда энг қулай хатти-ҳаракатларни танлай билиши ва ундан унумли фойдаланиши учун имконият топиши лозим.

В.С.Мерлин томонидан ўтказилган тадқиқот иши материаллари шуни тасдиқлайдики, темперамент-бу бир хислатни бошқаси томонидан ўзаро тўлдирилишининг кенг имконияти билан боғлиқ мураккаб тизимдир. Хислатларнинг айнан бир-бири билан ўзаро боғлиқлиги спортчини экстремал вазиятларга таъсир кўрсатишини аниқлаб беради. Темперамент спортчининг индивидуал усуллари шаклланишига бевосита таъсир қилади ва бир қатор тадқиқотларда кўрсатилганидек, спортчи темпераментининг турли хислатлари индивидуал услуби ҳисобига бир хилда юқори натижаларга эришишини таъминлаши мумкин.

Шу нуқтаи назардан келиб чиқиб, ўтказилган тадқиқотларга юқори малакали боксчилар жалб этилиб, улар икки гуруҳга ажратилган. Биринчи гуруҳга юқори малакали спортчилар, иккинчи гуруҳга эса 1-разрядли ва спорт усталари киритилган. Тадқиқотда тестлардан ташқари яна бошқа методикалар ҳам қўлланилган. Унда хислатнинг қуйидаги кўрсаткичлари аниқланган: экстраверсия-интроверсия, қайишқоқлик-кескинлик, ҳиссий таъсирчанлик.

Биринчидан, экстраверсия-интроверсия кўрсаткичлари ўзаро бир-бири билан боғлиқ, яъни темпераментнинг бу хислати уларда бир хилда намоён бўлади. Иккинчидан, ўрта малакали боксчиларда қайишқоқлик-кескинлик кўрсаткичлари экстраверсия-интроверсия билан боғлиқ бўлиб, бу нарса эса юқори малакали боксчиларда кузатилмаган. Улардаги турли хислатларнинг бир-бирига қўшилганлигини кўриш мумкин. Юқори малакали боксчиларда аҳамияти жиҳатдан бир-бирига қарама-қарши бўлган турлича темпераментлилик хислатларини учратиш мумкин. Демак,

темпераментлиликнинг алоҳида хислатлари турли даражага эга бўлган боксчилар ўртасида кўринадиган фарқларни белгилаб бермас экан. Фақатгина у ҳиссий таъсирчанлик бўйича ишончлилик фарқи бўлиб, бу кўрсаткич юқори малакали боксчиларда унча юқори эмас [10-16]. Бизнинг фикримизча, яккакураш фаолияти талабларига темпераментлиликнинг қайишқоқлик ва юқори бўлмаган ҳиссий таъсирчанлик каби хусусиятларининг ўзаро боғлиқлиги кўпроқ мос келади.

Яккакураш турларидаги каби спорт ўйинларида ҳам шахс хислатларининг фаолият жараёнига унинг таъсир кўрсатиши аниқланган. Шу билан биргаликда бу борада спорт ўйинларининг ҳам ўзига хослигини инобатга олиш керак. Асабийликнинг экстраверсия билан бирлиги кўплаб ўйинларда ўзаро ҳаракатларни ташкил қилишда кўплаб хатоликларга олиб келади. Бу эса кўпинча аффеktiv таъсир кўринишида фаолиятдан узилиб қолиш, вазиятлардан бош тортиш билан бирга шартлашилган ҳолатда юзага чиқади. В.И. Румянцеванинг маълумотига кўра, асабийликни экстравертлилик билан бирлиги асосан жамоада етакчилик вазифасини бажараётган спортчига салбий таъсир кўрсатади. Бундай ўйинчиларда рақибига кўпол хужум қилиш, кўполлиги учун майдондан четлатилиши, аффеktiv узилишлар кўпинча ғалабага умид кам бўлган кескин ўйинларда юзага келади. Шу билан биргаликда, бундай спортчилар агар ўйин муваффақиятли кечаётган бўлса фаол, шиддат билан ҳаракат қилишга мойил бўладилар.

Шахс тузилишини учинчи компоненти эса унинг спорт фаолияти муваффақиятини таъминлаб берувчи қобилиятлар тизимига киради ва имкониятларини ҳам белгилаб беради. Қобилиятларнинг ривожланиши шахсни йўналганлиги ва унинг психодинамик хислатларига боғлиқ.

Шахс тузилишини тўртинчи компоненти спортчининг ўз “Мен”и ва бошқарув тизими ҳисобланади. Ушбу компонент шахснинг ўзини ўзи англашига тааллуқли бўлиб, унинг фаолияти ва хулқ-атворини бошқаришни амалга оширади ва назорат қилади. Лекин юқоридаги индивидуал хусусиятлардан ташқари яна типик хусусият ҳам мавжуд бўлиб, у биринчидан, типнинг ўзига хослигини (асаб тизимининг типи, темпераментлилик типи) аниқласа, иккинчидан, маълум спорт бўйича мутахассислигини ҳам белгилаб беради.

Шу билан биргаликда, фақат спортчиларга хос бўлган шахсни умумий хусусиятлари ҳам мавжуд. Шахс хислатлари учун кўпроқ характерли бўлган хусусиятлар қуйидагилар ҳисобланади:

1. Мотивация тузилишида ахлоқий ва жамоавий интилишнинг индивидуал характердаги интилишдан устунлиги.

2. Юзага келадиган тўсиқлар ва қийинчиликларни енгишда сафарбар қилинган иродавий сифатларнинг хавотирлилик ва ўз-ўзига ишончсизлик хусусиятларидан устунлиги.

3. Психик барқарорлик ва ўзини ўзи назорат қилишнинг ҳиссий таъсирчанликдан устунлиги.

Спортчиларда етакчи бўлган шундай шахсга хос бўлган хислатлари уларни юқори натижаларга эришишлари билан биргаликда ҳар қандай экстремал вазиятларда ҳам намунавий хулқ-атворни намойиш этишлари учун имкон берадики, бу ҳолатни бошқа соҳа вакилларида камдан-кам учратиш мумкин [11-19]. Хулоса қилиб айтиш жоизки, юқорида таъкидлаб ўтилган фикрлар спортчи шахсининг хусусиятлари билан боғлиқ турли-туман муаммоларнинг тугаганлигини билдирмайди. Бунда билдирилган фикрлар спортчининг спортда муваффақиятга эришиш мотивацияси ва темпераментлилик хислатларининг намоён бўлишига алоқадор бўлган масалаларга тааллуқлидир. Лекин спортчининг иродавий сифатлари шаклланиши ва ахлоқий сифатларининг ривожланиши ҳақида кўплаб спорт психологларининг илмий фикрларини келтиришимиз мумкин.

Адабиётлар рўйхати

1. Abdurasulov R.A. Interests and motivations of students in oriental wrestling and boxing. Progressive Academic Publishing EJPR. Vol.4 No.2, 2017. European Journal of Psychological Research (EJPR): Accepted Papers. -Б.11-18.

2. Abdurasulov R.A., R.Egamberdiev. The individuals of the uzbek wrestling educator psychological transmission for facility. European Journal of Research and Reflection in Educational Sciences. Vol. 6 No.3, 2018 ISSN 2056-5852. Accepted Papers. -Б.1-6.

3. Abdurasulov R.A. Interests and motivations of students in oriental wrestling and boxing. Progressive Academic Publishing EJPR. Vol.4 No.2, 2017. European Journal of Psychological Research (EJPR): Accepted Papers. -Б.11-18.

4. Абдурасулов Р.А. Интересы учащихся к занятиям восточными единоборствами и боксом. Юбилейная международная научно-практическая конференция. Сборник материалов. Самара. 2008. -С.46-48.

6. Абдурасулов Р.А. Мотивы учащихся-спортсменов в спортивной деятельности. Юбилейная международная научно-практическая конференция. Сборник материалов. Самара. 2008. -С.226-229.

7. Qarshiboyeva, G., & Abdurasulov, R. Oquvchi sportchilarning intilish darajasi. Архив Научных Публикаций JSPI.

8. Каршибаева, Г. А. Суицидальное поведение-сложное социально-психологическое явление. In Психологические науки: теория и практика (pp. 37-39).

9. Ильеков Э.В. Что же такое личность? // В кн.: С чего начинается личность: -М.: Политиздат. 1979. -С.124-132.

10. Мерлин В.С. Экспериментальное исследование личности и темперамента. -Пермь.: 1971. 68с

11. Норакидзе В.Г. Экспериментальные данные исследования некоторых особенностей личности спортсмена. // В кн. П.А. Рудика

и др. “Психология и современный спорт”. - М.: ФиС. 1973. -С.239-244.

12.Abdurasulov, R. (2020). Индивидуально-психологические особенности учащихся занимающихся различными видами спорта. Архив Научных Публикаций JSPI.

13.Abdurasulov, R. (2020). Мотивы учащихся-спортсменов в спортивной деятельности. Архив Научных Публикаций JSPI.

14.Abdurasulov, R. (2020). Анализ интересов и мотивов учащихся к занятиям восточными единоборствами и боксом. Архив Научных Публикаций JSPI.

15.Abdurasulov, R. (2020). Психологическое влияние узбекского кураша на формирование личностных качеств. Архив Научных Публикаций JSPI.

16.Абдурасулов, Р. А. (2009). Индивидуально-психологические особенности учащихся занимающихся различными видами спорта. *Известия Самарского научного центра Российской академии наук*, 11(4-2), 373-378.

17.Абдурасулов, Р. А. (2009). Научно-методические основы применения аутогенных тренировок в спортивной деятельности. *Известия Самарского научного центра Российской академии наук*, 11(4-6), 1468-1471.

18.Ибайдуллаева, У., & Абдурасулов, Р. (2021). Низолашув даражасини ўсмирларнинг характер хусусиятларига таъсири. *Общество и инновации*, 2(10/S), 499-505.

19.Абдурасулов, Р. А., & Каршибоева, Г. А. Психологик тренинг асослари. *Ўқув қўлланма. “Баёз” нашириёти. Тошкент–2019 йил.*

20.Абдурасулов, Р. А., & Ибайдуллаева, У. Р. The influence of motivation on the formation of personality traits. *Journal of Physical Education and Sport (JPES)*.

21.Абдурасулов, Р. А. (2013). Ўқувчи шахсини шакллантиришда спорт машғулотларининг ўрни. Монография. *Тошкент.: Фан ва технология, 204.*

22.Абдурасулов, Р. А. (2008). Мотивы учащихся-спортсменов в спортивной деятельности. Юбилейная международная научно-практическая конференция. *Сборник материалов. Самара, 226-229.*

23.Абдурасулов, Р. А. (2003). Ўқувчи спортчиларнинг индивидуал ва шахсий хусусиятлари. *Мактаб ва ҳаёт*, 3, 17-18.

24.Абдурасулов, Р., & Ташпулатова, Н. (2019). Философские и психологические особенности занятий восточными единоборствами в процессе формирования личности. *Человеческий фактор: Социальный психолог*, (1), 7-11.

25.Абдурасулов, Р. А. (2008). Интересы учащихся к занятиям восточными единоборствами и боксом. Юбилейная международная научно-практическая конференция. *Сборник материалов. Самара, 46-48.*

26.Abdurasulov, R. (2022). ПСИХОЛОГИЯДА СПОРТЧИ ФАОЛИЯТИДА МОТИВАЦИЯНИНГ АҲАМИЯТИ. *Журнал Педагогика и психологии в современном образовании*, 2(1).

27. Абдурасулов, Р. А., & Каршибоева, Г. А. Психологик маслахат Ўқув-услубий қўлланма. “Баёз” нашриёти. Тошкент–2017 йил, 161.

28. Abdurasulov, R. (2022). ПСИХОЛОГИЯДА СПОРТЧИ ШАХСИ ХАРАКТЕРИ ШАКЛЛАНИШИНИНГ ЎРГАНИЛИШИ. *Журнал Педагогика и психологии в современном образовании*, 2(1).

29. Abdurasulov, R. (2022). ПСИХОЛОГИЯДА СПОРТЧИ ШАХСИ ХАРАКТЕРИНИНГ ЎЗИГА ХОС ХУСУСИЯТЛАРИ. *Журнал Педагогика и психологии в современном образовании*, 2(1).

30. Абдурасулов, Р. А. (2003). Ўқувчилар характерининг баъзи бир чизгилари ва типологик хусусиятлари. *Мактаб ва ҳаёт*, 24-25.

31. Абдурасулов, Р. А. (2008). Шарқ яккакураши ва шахс такомилли. Монография. Тошкент: Фан, 7,

32. Бахромов, О., & Абдурасулов, Р. А. (2020). Sportda omadsizlikka uchramaslik motivatsiyasining ahamiyati. *Инновационные подходы в современной науке Москва*, 4.

33. Абдурасулов, Р. А. (2021). ИСТОРИЯ ЖИВОПИСИ С ДРЕВНОСТИ ПО АНТИЧНОСТЬ. *ББК 1 Р76*, 197.

34. Abdurasulov, R. A. (2022). Interests of Students in Oriental Wrestling and Boxing. *International Journal of Multicultural and Multireligious Understanding*, 9(3), 513-519.

35. Abduraimovich, A. R. (2017). INTERESTS AND MOTIVATIONS OF STUDENTS IN ORIENTAL WRESTLING AND BOXING. *European Journal of Psychological Research Vol*, 4(2).

36. Abdurasulov, R. (2023). ВЛИЯНИЕ УЗБЕКСКОГО КУРАША НА ФОРМИРОВАНИЕ ЛИЧНОСТНЫХ КАЧЕСТВ СПОРТСМЕНОВ. *Журнал Педагогика и психологии в современном образовании*, (1).

37. Abdurasulov, R. A. (2022). Interests of Students in Oriental Wrestling and Boxing. *International Journal of Multicultural and Multireligious Understanding*, 9(3), 513-519.

38. Тўракулов, Л. Т., & Абдурасулов, Р. А. (2023). МЕҲРИБОНЛИК УЙИ ТАРБИЯЛАНУВЧИЛАРИНИНГ ИЖТИМОЙ ҲАЁТГА МОСЛАШИШИДА ХУЛҚ-АТВОРИ ХУСУСИЯТЛАРИ. *SCIENCE TIME JOURNAL*, 1(1), 111-119.

39. Abdurasulov, R., & Egamberdiev, R. (2018). The individuals of the uzbek wrestling educator psychological transmission for facility. *European Journal of Research and Reflection in Educational Sciences Vol*, 6(3).

40. Abdurasulov, R., & Egamberdiev, R. (2018). The individuals of the uzbek wrestling educator psychological transmission for facility. *European Journal of Research and Reflection in Educational Sciences Vol*, 6(3).

41. Бахромов, О. Т., & Абдурасулов, Р. А. (2020). Роль ценностей в формировании мотивации. *Известия Самарского научного центра Российской академии наук. Социальные, гуманитарные, медико-биологические науки*, 22(74), 11-15.

42. Абдурасулов, Р. А. (2018). *Роль спортивных занятий на формировании личности учащихся-спортсменов (на примере видов единоборств)* (Doctoral dissertation, диссертация доктора психологических наук (DSc)).

43. Abdurasulov, R. A. (2015). The influence of pedagogical abilities on the formation of relationships between a teacher and a student.

44. Абдурасулов, Р. А., Атабаев, Ш., & Султонов, Б. (2015). Влияние педагогических способностей на формирование взаимоотношений между учителем и учеником. *Психологические науки: теория и практика*, 62-64.

45. Abdurasulov, R. A. (2009). Sports activities in psychology. *School and life*, 3.

46. Abdurasulov, R., & Torakulov, L. (2023). OF ORPHANAGE HOME GUARDIANS TO OUTSIDE LIFE. *Science and innovation*, 2(B10), 24-27.

47. Абдурасулов, Р. А. (2009). Научно-методические основы применения аутогенных тренировок в спортивной деятельности. *Известия Самарского научного центра Российской академии наук*, 11(4-6), 1468-1471.

48. Абдурасулов, Р. А. (1997). Влияние занятий восточными единоборствами и боксом на формирование личности учащихся: Дисс. на соиск уч. степ. канд. психол. наук.

49. Abdurasulov, R. (2024). МОТИВЫ УЧАЩИХСЯ ЗАНЯТИЯ СПОРТОМ. Журнал Педагогики и психологии в современном образовании, 4(1), 78-84. извлечено от <https://ppmedu.jdpu.uz/index.php/ppmedu/article/view/9537>

50. Abdurasulov, R. (2024). ФИЛОСОФСКИЕ АСПЕКТЫ ВОСТОЧНЫХ ЕДИНОБОРСТВ В ПРОЦЕССЕ ФОРМИРОВАНИЯ ЛИЧНОСТИ. Журнал Педагогики и психологии в современном образовании, 4(1), 91-98. извлечено от <https://ppmedu.jdpu.uz/index.php/ppmedu/article/view/9548>

51. Abdurasulov, R. (2024). МОТИВЫ УЧАЩИХСЯ ЗАНЯТИЯ СПОРТОМ. Журнал Педагогики и психологии в современном образовании, 4(1), 78-84. извлечено от <https://ppmedu.jdpu.uz/index.php/ppmedu/article/view/9537>

52. Abdurasulov, R. (2024). INTERESTS OF STUDENTS IN ORIENTAL WRESTLING AND BOXING. Журнал Педагогики и психологии в современном образовании, 4(1), 99-108. извлечено от <https://ppmedu.jdpu.uz/index.php/ppmedu/article/view/9550>